

項城縣志卷二十八

鄉女志三

節婦

鄭氏王詩興妻年二十一夫故無子矢志守節事翁姑孝理家務勤以夫姪雲書為嗣氏年八十三卒

王氏閻如鄰妻年十七于歸四載夫故勸翁納妾生二子長學中次學實翁歿氏保愛備至勤儉持家積勞成疾年四十一卒

董氏李振邦妻年二十九夫故田產被強族侵占氏竭力支持艱難萬狀姑盲旋轉需人氏左右扶持不少懈教二子成立產業日增

龔氏 惠貢師冠軍子曰度妻夫故一子又殤痛欲死姑勸之乃忍死守節孝事翁姑翁歿氏以毀卒以夫兄子錫名為嗣

王氏玉箱女韓培善妻年二十于歸一載夫故孝事重閨積久不
懈完節以終

趙氏張耀彩妻年二十一夫故撫孤成立受室後子婦又相繼亡
孑然一身紡績自給年七十三卒

張氏劉小明妻年二十五夫故守節奉姑孝氏年七十四卒

張氏申興廣妻年二十四夫故守節養姑氏年七十二卒

張氏錫貞女劉廣修妻年二十八夫故子長川五歲姑雙瞽氏出
入扶事不少懈氏年七十卒

尹氏東明女崔鼎元妻于歸未一月夫故矢志守節事親色養備
至處妯娌和睦無閒氏年四十三卒

張氏監生延順女趙天聰妻年十八于歸二十一夫故一子方週
氏奉姑孝教子嚴勤儉持家拓田二百餘畝年六十九卒子廷

獻孫麟閣皆監生

張氏樹楷女崔化育妻年二十七夫故遺子心銳氏事姑教子完節以終心銳遇事忍讓承母教也

張氏戚文煙妻年二十九夫故無出以族子承嗣守節終身儒學以淑慎流芳旌之

王氏金昭然妻年十九于歸二十四夫故堅貞自守勤儉持家越七載亦歿

師氏王中川妻童養夫家合卺後生子女各一年三十夫故教子女有方冰操懍然年七十四卒

吳氏李大義妻年二十夫故一子旋殤家赤貧苦守五十餘年卒
常氏李肇興妻年十九于歸未二旬夫故堅貞自矢孝事孀姑氏年六十六卒

李氏崔天清妻年二十八夫故遺孤彌月氏事孀姑撫弱息孝慈兼盡處妯娌和氏年六十餘卒

靳氏樊清化妻年二十七夫故守節撫夫姪玉蘭承嗣氏年六十卒

夏氏閻辛金妻年二十八夫故子女各一家貧居母家數十年苦節自守年七十八卒

劉氏楊春鳳妻年二十二夫故遺孤甫週惡族欲奪其志避之母家教子成立田產日增氏年八十卒

楊氏陳永昇妻年二十三夫故家貧以美味奉親自啜糠粃姑歿無以為殮氏解衣覆之二子成立家稍裕氏年七十二卒

王氏樊松年妻年二十二夫故遺一女氏養姑育女備歷艱辛年六十二卒

某氏李柱妻年二十八夫故無出苦節能貞

樊氏夏楷妻年二十八夫故無出勤苦持家清白著稱年八十二卒

冷氏師和妻年十四于歸二十七夫故無出叔翁欲奪其志氏以死自誓卒能完節

張氏郭萬行妻年二十于歸越歲夫故遺腹生女翁老叔幼氏上事下撫艱苦備嘗完節以終

石氏王仲魁繼配性溫淑年十九于歸四載夫故撫前子有恩子又殤撫夫姪承嗣

劉氏田文煥妻童養夫家合卺後生二子四女夫故氏年三十事翁姑孝教子景甫入庠次子景元績學知名氏年六十二卒

郭氏馬星彩妻年二十八夫故族無賴逼其改適氏攜二女避居

母家二十餘年始歸年七十八卒

高氏黃國金妻年十九于歸八載夫故矢志守節孝翁姑和妯娌待夫弟姪有恩氏年五十六卒

馬氏劉東周妻年二十一夫故一女方週氏事舅姑以孝聞姑歿遺女數歲氏愛如所生勤勞家務完節以終

涂氏蘇文濱妻年三十夫故家貧撫幼子守節不渝子長事母甚孝氏年六十二卒

李氏吳全仁妻年二十九夫故遺一子甫週氏茹苦守節教子成立

王氏殷大科妻年二十四夫故子女各一氏乞食為生卒能完節李氏麻石頭妻年二十七夫故族無賴逼其改適氏誓死不從撫夫從姪延英承嗣

吳氏馬紹妻年二十六夫故一女數歲家赤貧氏紡績養姑數十年不渝

黃氏麻敬祖妻年十九于歸二十二夫故無出勸翁納妾生一子翁姑相繼歿氏撫夫弟有恩授室後生二子夫弟又歿氏撫其二子成立

馮氏李振國妻童養夫家合卺數載夫故無出姑性嚴急動輒鞭笞無怨言姑分出之氏不得已依母家居紡績度日數年姑歿典田以葬

師氏靳道妻年三十夫故無出夫兄弟析居後氏獨養姑不急待夫姪有恩氏年七十三卒

靳氏彩朋女樊希孔妻年二十一于歸六載夫故事親撫孤孝慈兼盡知縣李以苦節流芳旌之光緒五年奉旨入祠

馬氏王相繼配年二十五夫故以禮自持事翁姑維謹娣姒無間
言撫夫姪東山承嗣氏年六十八卒

劉氏韓友卿妻年十七于歸三載夫故遺腹生子撫養成立守節
四十餘年卒光緒丙戌奉 旨入祠

李氏韓生雲妻年二十三夫故無出事翁姑委曲承順完節以終
光緒丙戌奉 旨入祠

馬氏余連珠妻年二十七夫故遺一女姑先歿氏事翁維謹守節
不渝

馬氏余連仲妻年三十夫故貞潔自守教子成立

朱氏余連奎妻年三十夫故撫幼女勤儉持家終無渝志

王氏黃老虎妻年二十三夫故一女方週翁姑恐氏守節之志不
堅每歸甯輒哭不已氏自是不復離左右待夫諸姪有恩年老

失明人咸哀之

閻氏黃柏堂妻年十七于歸二載夫故一子方週女甫二月家貧無依氏移居母家子成立始歸勤勞紡績產業日增氏年六十五卒

周氏李兆玉妻年三十夫故遺二子三女撫養成立貞操不渝氏年五十八卒

李氏王青選妻年十九于歸一載夫故事翁姑孝待夫弟姪有恩氏年六十四卒

王氏董朝妻年三十夫故遺腹生子氏事翁姑撫子女孝慈周至完節以終

李氏張礪妻年三十夫故矢志守節紡績度日年六十五卒

曹氏李貨妻年二十四夫故族無賴欲逼嫁之氏攜幼子居母家

十數年子成立始歸守節以終

曹氏麻天民妻童養夫家合卺月餘夫故目不瞑氏撫尸祝曰君所以不瞑目者非念雙親多病無人奉養家貧慮未亡人難守貞耶妾為君勉之祝畢目遂瞑未幾翁逝奉姑四十餘年撫夫從姪廷秩承嗣

馬氏耀三女李好義妻夫故無出孝事孀姑數十年如一日光緒壬辰奉 旨旌表

王氏監生竇書翰繼配年二十六夫故無出矢志守節事翁姑撫前子孝慈兼盡

胡氏韓孝甯妻年二十五夫故守節撫子友生成立氏年五十六卒

賈氏曹正心妻年二十八夫故守節教子士彥入庠 旌如例

高氏夏應元妻年十九子歸一載夫故無出姑老病服事數十年如一日氏年六十二卒

范氏劉恆遠妻年十九子歸六載夫故遺一女翁姑年老氏忍死守節孝慈兼盡年五十六卒

李氏張濟川妻年二十九夫故遺孤玉珍甫週歲氏孝親撫孤艱苦備嘗守節三十餘年卒

胡氏畢慎前妻年二十六夫故子允中三歲家貧氏矢志守節孝養翁姑教子成人氏年八十二卒

申氏武生趙同科妻年三十夫故守節勤勞家務教子憲章憲彬入武庠

張氏陳普妻年二十四夫故子心明方二週族無賴逼氏改適氏割髮自誓守節四十年卒

黃氏沈邱黃秉彝女孟昭和妻年十八于歸二十八夫故家貧為人縫紉供養衰姑撫二子成立氏年七十八卒督學吳以松柏完貞旌之

竇氏黃澄波妻年十六于歸二十二夫故遺孤未彌月氏絕粒數日欲身殉念姑衰子在抱忍死守節紡績糊口艱苦備嘗子希孟長業商家道稍裕孫虎臣武生鼎臣廩生蓋臣勲臣均庠生氏年六十二卒督學吳以節矢冰霜旌之

張氏朱金錫妻年十九于歸二十二夫故孝事衰翁三十餘年不稍懈堅白之操歷久不渝

吳氏鄧伯香妻年十七于歸十載夫故薨孀子立鍼黹度日終不渝志

王氏趙友鳳繼配年二十一夫故無子事翁姑孝處娣姒以和一

女適附貢李作霖撫天兄子監生同修為嗣

王氏鄧懿恭妻年二十六夫故忍痛節哀勸慰翁姑撫夫弟子為嗣氏年八十二卒

張氏庠生王天申母年三十夫故翁姑性嚴急氏委曲承順教子成名孫純亦早年入庠氏年六十四卒

郭氏齊時俊妻年十九于歸三載夫故守節姑有夙疾善怒氏多方承順教子永慶入武庠

喬氏沈邱喬滋女趙金柱妻童養夫家姑每虐使之氏無怨言年十八合卺三載夫故鍼黹度日撫子成立氏年七十一卒

李氏沈邱李德容女竇保祥妻年十九于歸一載夫故遺腹生子翁多病氏仰事俯畜艱苦備嘗以節終

姜氏王泮林妻年二十一夫故遺子春泰未彌月氏苦節自守事

孀姑教幼子孝慈備至氏年七十八卒

王氏張世田妻年二十九夫故翁失明氏善事之十數年如一日教子成立完節以終

趙氏馬圖妻年十七于歸二十三夫故孝事翁姑夫姪某七歲而孤氏推恩有加延師課讀後列成均氏年四十二卒

莫氏馮國楨妻年二十于歸三月夫故事翁姑孝勤女紅守禮不輕出戶庭雖至戚不易見其面

曹氏薛崇德妻年二十五夫故無出守節不渝年七十一卒

李氏馮嵒妻年十九于歸三載夫故無出操勵冰霜持家勤儉年七十三卒

石氏郭萬選妻年十九于歸生一女甫週夫故苦節是廿年八十卒

劉氏傳教妻年二十八夫故姑欲嫁之氏乘間至母家不歸為人縫紉積有餘錢仍以奉姑姑歿歸而營葬

畢氏李鳳舞妻年二十九夫故教子天龍成立氏年七十二卒

劉氏田閨女妻結縭六載夫貿易不歸氏年二十堅志不二撫夫姪丙寅為嗣氏年六十五卒

李氏馬長楹妻夫早世矢志守節事親教子孝慈兼盡督學何以瑤池冰霜旌之光緒間奉 旨入祠

王氏賈喜妻年十九于歸年餘生一子夫遇匪被害氏矢志守節教子成立年七十卒

汪氏酉峯女王全禮妻年十六于歸二十八夫故遺子女四祖姑在堂小心承順教子嚴而有法經營家務辛苦備嘗年七十四卒

李氏高化國妻年二十七夫故遺腹生女氏矢志守節撫女成人年八十四卒

馮氏黃大札妻于歸年餘生一女未彌月夫故氏事孀姑撫弱女孝慈兼盡年七十三卒

楊氏黃大林妻于歸數載夫故無出家赤貧竭力養親有欲奪其志者氏以死自誓舅姑歿鬻宅以葬年八十卒

羅氏劉宗天妻年二十于歸二載夫故守節撫夫姪振鐸承嗣氏年六十六卒

李氏王文讓妻年二十一于歸二載夫故遺孤瑞祥甫兩月氏堅苦自守撫子成立拓地二百餘畝年七十四卒

侯氏允賜女艾遜妻年十九于歸數月夫故子身苦守撫夫姪承嗣旋夭又撫夫姪孫文明為嗣氏年六十六卒

胡氏韓友俊妻年二十二夫故一女氏矢志守節年八十卒

李氏田錫和妻年二十七夫故無出孝事翁姑苦節自守年六十卒

麻氏張啟運妻年二十九夫故遺產僅三畝事孀姑撫弱息辛苦備嘗拓業百餘畝子迎先亦克家氏年九十八卒光緒十九年奉旨入祠

傅氏靳春迎妻年二十七夫故孝事衰翁教子自成克家氏年六十卒

李氏曹興讓妻年十九于歸六載夫故遺孤慶雲甫週氏勤苦自守撫子成立年七十卒

龔氏王蠻子妻年三十夫故守節孝翁姑撫二子成立

李氏石鸞妻年十八于歸二十二夫故遺子女各一撫養成立紡